

# Berita UniMAP

## NC UniMAP SARAN CIPTA ALAT UNTUK PENYEMBELIHAN KORBAN



Saya berharap agar satu hari nanti, kita akan berkemampuan untuk mencipta satu alat untuk menjalankan aktiviti penyembelihan korban kita tanpa menggunakan khidmat manusia, kata NC UniMAP di majlis ibadah korban dan akikah yang diadakan sempena Hari Raya Korban pada 2 Januari 2007 yang lalu.

Majlis yang dianjurkan oleh Unit Agama Islam (UAI) dengan kerjasama Jabatan Pembangunan UniMAP telah diadakan di Dataran Hal Ehwal Pelajar, Kubang Gajah.

Majlis ini diadakan dengan untuk memberi kesedaran dan merealisasikan prinsip-prinsip keadilan sosial dan menghapuskan gejala kemiskinan di dalam masyarakat. Disamping itu juga untuk melatih manusia supaya patuh kepada peraturan dan sentiasa berkerja secara berkumpulan

Majlis yang dirasmikan oleh NC UniMAP, Kol. Prof. Dato' Dr. Kamarudin Hussin yang dalam ucapannya berkata, Dengan adanya majlis sebegini, diharap dapat berkongsi kegembiraan serta mengeratkan lagi ukhwah Islamiah sesama kita.

Menteri Besar Perlis, Dato' Seri Shahidan Kassim turut menyumbangkan haiwan korban sempena majlis yang telah dianjurkan ini. Majlis ini merupakan majlis tahunan UniMAP dan majlis turut dihadiri oleh pegawai-pegawai utama,ketua-ketua jabatan, staf, pelajar UniMAP dan orang ramai yang datang bagi memeriahkan lagi majlis tersebut.